



REPUBLIKA E KOSOVES/REPUBLIKA KOSOVA/REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep. Dep.	DPKI
Nr. l faq. Broj stranica Nr. pages	02
Nr. Prot Br. Prot Prot No	06-01/1122/21
Data Datum Date	20.04.2021



Republika e Kosovës
Republika Kosova - Republic of Kosovo

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

Në mbështetje të nenit 11, paragrafi 1, nën-paragrafi 1.1, nenit 5, paragrafi 1 nën-paragrafi 1.5., nenit 18, paragrafi 10 dhe 11 të Ligjit nr. 03/L-159 për Agjencinë kundër Korrupsionit, si dhe nenit 7, paragrafi 4 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017 të Punës së Agjencisë kundër Korrupsionit, Drejtori i Agjencisë kundër Korrupsionit me datë 16.04.2021, mori:

V E N D I M

I. Mbyllet rasti me nr. *AKK-DPKI-06-660/21*, për zyrtaren e lartë publike znj. Elvira Ibrahim-Hoti, ish – anëtare e Bordit Drejtues të Ndërmarrje Publike “Trafiku Urban” SH.A. - Prishtinë, për shkak se është shmangur gjendja e konfliktit të interesit në ushtrim të funksionit publik.

II. Rasti mund të rihapet në çdo kohë kur mund të paraqiten rrethana të reja.

A r s y e t i m

I. Rasti i hapur për konflikt interesi në ushtrimin e funksionit publik, për zyrtaren e lartë znj. Elvira Ibrahim-Hoti, anëtare e Bordit Drejtues të Ndërmarrjes Publike Trafiku Urban” SH.A. - Prishtinë, është trajtuar sipas procedurës së paraparë në Ligjin nr.06/L-011 për Parandalimin e Konfliktit të Interesit në Ushtrimin e Funksionit Publik (në vijim: Ligji për Parandalimin e Konfliktit të Interesit).

Agjencia kundër Korrupsionit, ka hapur për trajtim rastin e mundshëm të konfliktit të interesit dhe atë sipas kërkesës së znj. Ibrahim-Hoti, e cila i është drejtuar Agjencisë me pyetjen se a mundet që krahas ushtrimit të funksionit si zyrtare e lartë publike, respektivisht, anëtare e Bordit Drejtues të Ndërmarrjes Publike, njëkohësisht të mbaj edhe pozitat si në vijim:

- Aksionare/pronare në kompani private;
- Anëtare e Bordit Drejtues në Kompaninë e Sigurimeve “Siguria” SH.A.;
- Kryesuese e Komisionit për sjellje dhe Disiplinë në Shoqatën e Kontabilistëve SHKACK;
- Koordinatorë në organizatën joqeveritare “Victoria Consulting”.



Lidhur me këtë, Agjencia kundër Korrupsionit e ka organizuar një takim me zyrtaren e lartë me ç' rast më për së afërmit është njoftuar me situatën në fjalë. Pas sqarimeve të bëra, e njëjta është njoftuar me atë se gjatë ushtrimit të funksionit si zyrtare e lartë, nuk mundet që njëkohësisht të ushtroj edhe funksionin e përfaqësuesit të autorizuar apo edhe të anëtarit të ndonjë organi menaxhues apo mbikëqyrës i personave juridik privat, pasi që një gjë e tillë bie ndesh me nenin 13 paragrafi 1, të Ligjit nr. 06/L-011 për Parandalimin e Konfliktit të Interesit, i cili përcakton se:

“Zyrtari i lartë nuk mund të jetë menaxher, përfaqësues i autorizuar ose anëtar i ndonjë organi menaxhues apo mbikëqyrës i personave juridikë privatë, fitimprurës sipas ligjit përkatës për shoqëritë tregtare dhe organizatave joqeveritare, përjashtuar subjektet e përcaktuara në nenin 14 të këtij ligji, subjektet politike si dhe rastet kur një funksion i tillë i dedikohet me ligj për shkak të funksionit.”

Kurse sa i përket pozitës së koordinatores në organizatën joqeveritare “Victoria Consulting”, Agjencia ka gjetur se znj. Ibrahim-Hoti, mban edhe pozitën e përfaqësuesit të autorizuar të kësaj organizate, që gjithashtu është e ndaluar me dispozitën ligjore të lartcekur. Pas këtyre konstatimeve, Agjencia kundër Korrupsionit e ka njoftuar zyrtaren e lartë me hapat që duhet ndërmarrë në mënyrë që të shmangen situatat e konfliktit të interesit në ushtrimin e funksionit publik.

Pas kësaj, znj. Ibrahim-Hoti ka deklaruar se konform dispozitave ligjore dhe në afat do të ndërmarrë veprimet e duhura, me qëllim të shmangies së gjendjes së konfliktit të interesit.

Ndërkohë, Agjencia kundër Korrupsionit ka pranuar shkresën zyrtare (DPKI-06-1050/21), me të cilën dëshmohet se zyrtarja e lartë ka ndërmarr veprimet, konform nenit 19 paragrafit 1, nën- paragrafi 1.4. të Ligjit për Parandalimin e Konfliktit të Interesit, duke u dorëhequr nga funksioni publik.

Me veprimet e ndërmarra nga znj. Ibrahim-Hoti, është shmangur gjendja e konfliktit të interesit në ushtrimin e funksionit publik.

Andaj u vendos si në dispozitiv të këtij vendimi.

II. Në mbështetje të nenit 18 (paragrafi 11) të Ligjit nr. 03/L-159 për Agjencinë kundër Korrupsionit, Agjencia mund të rihap rastin në çdo kohë nëse paraqiten rrethana të reja.

Vendimi iu dërgohet:

- Zyrtarit të lartë publik
- Drejtorit të DPKI - së
- Z./znj. (zyrtari përgjegjës)

Shaip HAVOLLI
Drejtor i Agjencisë kundër Korrupsionit

